

V11 – Part: Zuckormännle hie, Zuckormännle her

Mitwirkende

Sprecher	SP
dr Trützschlorsch Beck	TB
n Trützschlorsch Beck sei Fraa	TBF
dr Diet, n Trützschlorsch Beck sei Gung	D
de Doreen, n Trützschlorsch Beck sei Dochter	DOR
dr Vuchländor	V
dr Maulschmied	MS
dr Kobers Michl	KM
dr Schmiedtoffel	SM
dr Fitze	F
dr Schockn Arti	SA

SP Leit, itze hammorsch wiodor Weihnachtn, und do wellmor natierlich aa wiodor eweng auf de vuchtländische Weihnachtstradition eigie. Wobei, des is gar net esue leicht, wie's villeicht klingt, weil's nämlich genaunumme gar kaa original vuchtländische Weihnachtstradition gibt. De Schwibbiagn kumma ausn Arzgebirch, de Nußknackor aa, nuja, un vom Berchmoa undn Raachormoa ganz ze schweign. Esue richtich vuchtländisch sei eigentlich ne dr Muesmoa und de Zuckormännle. Und iebor de Zuckormännle wellmor Eich heit eweng wos orzehln. Mier ham do in unnoror heimatgruppe e klaas Stück for Eich eistudiert, des Eich de Zuckormännle eweng näherbringe sell. Fang mor am besten glei a!

[Dr Trützschlorsch Beck tritt auf und sitt gar net gut aus.]

SP Des is dr Trützschlorsch Beck aus Werda oder – wie mier Vuchtländor sogn: von daun Wer. Von dort kumme nämlich de Zuckormännle her. Ja, un wie Or villeicht sett, is dor Trützschlorsch Beck irgndewie net esue gut drauf.

TB Iech waas aa net, irgndewie bie iech heit net esue gut drauf.

SP Dr Trützschlorsch Beck is dor letze Zuckormännle-Bäckor in Wer, im Vuchtländ und villeicht auf dor ganzn Welt.

TB Iech glaab, iech bie dor letze Zuckormännle-Bäckor in Wer, im Vuchtländ und, wer waaß, villeicht auf dor ganzn Welt.

SP Un dr Trützschlorsch Beck is deswegn sue scheiße drauf, weil do kaanor is, der ihm des Goar helfm kennt beine Zuckormännle backn.

TB Haa, genau! Alle Leit welln Zuckormännle, abor wie sell iech des allaane denn schaffm. Meine Beckn-Kollegn ham alle es Handuch geschmissen. Mei Gung, dr, Diet, des isse Revoluzzor, der wues ner gett der Zuckormännle schlecht macht. Mei Dochter, de Doreen, die hott ner flausn im Kopf, sue von wegn östliche Religion und Yoga und Raachorsteble. Ja, un de Fraa, die sitztn ganz Doch ner rim, raacht Pfeif und guckt VRF. Weil do immor moll dr Klaus Dunsch ze säh is, un den sitt se doch goar ze gern. [N Trützschlorsch Beck sei Fraa ruft aus dem Hintergrund]

TPB Helmut, kumm nere moll her. Dr Klaus is im Fernseh! Kum ner mol her!

TB Do settorsch! Un do kimmt dor Diet. Mol säh, wossor wiodor an de Zuckormännle rimze meckorn hott.

[Dr Diet kimmt rei.]

- D** Hier Vador, hier ho iech e neies Buch gefunne. „Die Philosophie des Zuckermännels“ Un do stett klipp un klar drinne, daß de Zuckormännle ne iebelstn Ausdruck reaktionären Gedankenguts darstelln. Iech lies dor mol ewos vor: „Und so spiegeln sich im Zuckermännel die enttäuschten Hoffnungen des Vogtländers wider, etwas von der Art einer eigenständigen Kultur zu besitzen. Der Vogtländer projiziert in das Zuckermännel seine Sehnsucht nach einem vogtländischen Nationalstaat, der ihn seiner ...“
- TB** Her auf, sinst krichste e Faunz. Iech kaa dei Geseior nimmor hern! Triff diech maantwegn mit deiner Revoluzzor-Kollegn, abor laß miech mit den Zeich in Ruh. Iech ho weiß Gott annore Sorgen.
- D** Nu gut! Abor du vorschließt deine Aagn vor dor Realität, Vador! S Zuckormännl hat abgewirtschaftet. Siehs doch ei!

[Diet geht, Doreen kimmt]

- TB** Ach, hallo Doreen!
- DOR** Hi, Vador! Guckemol, iech ho e Zuckormännl in Yin-Yang-Form gebackn. Wie gefellts dorn?
- TB** Hatse do wieder irgndwelches Zeich neigebackn? Iech waas noch, wie dor ABV letztes Goar vun Heilig Uhmd bis Neigoar naked draun aufm Kirschbaum gesessn un sich mittororn Vuchelheisl unnorhaltn hott. Ner weil or von deine Magic Zuckormännle gessn hott.
- DOR** Du sist immor alles esue negativ, Vador! Dodorfier lebtor itze im Einklang mit sich selbor.
- TB** Nu, iech waaß aa net: Wenn im Einklang mirt siech lebm haaßt, daß iech abgespacete Sofadeckn klöpl, dann leb iech lieber sue waador wie bisher.

[Doreen schüttelt ne mitn Kopf un gett. Ausn Hintergrund:]

- TBF** Helmut, kimm nere mol her! Do is wieder dor Klaus Dunsch. Mensch, Helmut, was hott den der heit fore Schackett aa. Schie is des! Kimm nere mor her, Helmut!
- TB** [ruft] Iech will dein Klaus net säh! [für sich selbst] Iech waaß aa net! Vos sell iech ner machen?! Wie sell iech denn allaane all die Zuckormännle fertigbringe, wo mor kaanor hilft?! Und itze kummt scho wieder der Diet! Vos willorn itze wieder?

[Diet kommt rein]

- D** Vador, iech wollt dor ner noch sogn ...
- SP** Da erscheint dem Trützschlorsch Beck die wohlriechende Lichtgestalt des Vuchtländors!
- V** [Wunderkerzen in der Hand] Trützschlorsch Beck! Knie niedor un her mor zu! Vos is aus dir ner fore Jammorlappm worn?! Do hast doch immor gewußt, was ze machen woar! Und itze zannste hier rim!
- TB** Abor friehor ...

V Friehor! Her mor auf mit friehor!

Lied: 'S Wort zum Zuckormännl (Die Toten Hosen)

V Also, Trützschlorsch Beck: Du waaßt, wos itze ze du is!

TB Genau! Mier genne erschemol e Bier trinken!

[Vuchtländor schüttelt vorwurfsvoll den Kopf]

TB [fragend] Mier dunne erschtmol aane raagn?

V [ungeduldig] Naa, Mensch! Du machst itze lues und bringst deine Zuckormännle-machor wieder zam! Wie bei de Blues Brothers! De ganze Zuckormännle-Gang!

[Vuchtländor verschwindet]

TB Hm, dann muß iech des itze woll machen! Wenn iech ner wißt, wo die itze alle sei! Am besten, iech guck emol nein Telefonbuch. Villeicht stett ja der aane odor annore dinne.

[nimmt Telefonbuch und blättert]

TB Ha, da hammor doch scho en erschn: ne Maulschmied. [liest] Rodewisch, Undorgöltzsch, Sicherheitverwahrung, Zelle am Ende des langen, gelben Ganges. Ach, do stett zegar e e-mail-Adresse dinne. Ze dumm, daß mier in Wer kaa ISDN ham. Nuja, Dann fahr iech itze ehm mol nach Ruewisch.

SP Un sue hot siech dr Trützschlorsch Beck aufgemacht, um de Zuckormännle-Gang wieder zamzebringe, alle, die friehor mit ihm in Wer de Zuckormännle gemacht ham. Und ob or se gefunne hot, des erfahrter noch dor nächst Lottozohl.

2. Teil

SP Sue, Leit, do sei mor wieder mitn zweetn Teil von unnoror Zuckormännle-Geschicht. Nochemol schnell zor Auffrischung: Dr Trützschlor Beck von daun Werda is dor letzte Zuckormännle-Bäckor auf dor ganzn Welt. Un weil or allaane net esue viel Zuckormännle backn kunnt, und sei Familie aa net mietgezuegn hot, issor schier am Vorzweifln geween. Doch do is ihm dor Vuchtländor orschiene und hotn luesgeschickt, um seine altn Zuckormännle-Bäckor-Kollegn wieder zamzebringe. Nuja, und do is dor Trützschlor Beck luesgezogn, und in dor Tat, or hat se alle schnell wieder zamgebracht. Wie or des gemacht hat, is noch weniger spannend als dor ganze Rest, und deswegn blindn mor glein nein Trützschlor Beck sei Stub, wu or grad mit seine Kollegn zamsitzt.

[Dr Trützschlor Beck, dr Maulschmied, dr Kobers Michl, dr Schmiedtoffel, dr Fitze un dr Schockn Arti sitzn um en Tisch rum.]

TBF Helmut, kumm neremol her! Dr Klaus Dunsch is im VRF!

TB Naa, die Fraa! kenntor suewos aa?

ST Nu klar! Wos denktorn, warum iech nimmor mietbackn kunnt? Weil iech immor bei meinor Fraa im Blummelodn miethelfm muß.

KM Wosn? Dor „Toffels Blumen Shop“ in Treie, des is deinor Fraa ihror?

ST Ha. Abor, soch ner mol, Kobors Michl, was machst du itze eigentlich?
KM Nu, iech hatt e Import-GmbH & Ko KG for taiwanesischn Dannebaam-schmuck. Abor die is eigange. Wegn dor Asien-Krise.

ST Abor do hätt doch dor Import grad gut laafm missn, wenn dennen ihr Währung schwach is?!

KM Ha?! Des hot mor abor mei Finanzberater annorsch gesocht, dem iech mei Forma dann verkaaft ho.

[alle schütteln mit dem Kopf]

ST Un Fitze: Was machstn du itze?

F Ach, iech mach emol weng des und weng des. Zor Zeit bie iech Pornodarstellor in Klingedohl.

ST [laut] E Pornodarstellor? Un in wos foren Filmen haste mietgespielt?

F Ach, nuja: in „Geil in Trieb“ zum Beispiel, odor in „Eilochn in Siemhitz“.

KM [freudig überrascht] Den ho iech gesäh! [alle schauen ihn an, deswegen er kleinlaut] Ähm ... nuja, der stand do ... in dor Videothek, iech maan, hintor dor Kasse, do stand or, als iech grad „Titanic“ for mei Fraa ausgeliehn ho. Ehrlich! Iech sochs eich ... [betretenes Schweigen, dann KM ganz schnell] Was isn eigentlich mitn Maulschmied? Der socht gar nischt.

TB Or wißt doch, die alte Sach. Or is vorrickt worn, weil or sue viel Zuckormännle gebackn hat, daß or siech am Ende selbor for aans gehalten hot. Do hattor siech naked ausgezuegn, siech rued un grie agemolt und siech aufm Markt in Wer nan Dannebaam gehängt. Wies ehm sue is.

F Un itze? Was wellmorn denn itze mit ihm afange?

TB Ach, des gett scho! Ne, Maulschmied?! [klopft ihm auf den Rücken, MS erschrickt, dann erkennt er TB und nickt] Or is halt eweng langsam, weil or sue viel Haloperidol innig hot. Ihr wißt ja, wie des is. Abor or ka immor noch ne bestn Zuckormännleteig von dor Welt machen. Mier missn ne ner en Löffl na de Hand bindn.

ST Nu, sei mor doch wieder alle zam. Schie is! Trinkn mor erschemol e Bier, he?! [stoßen an] Abor soch mol, Fitze, wen host du do eigentlich mietgebracht?

F Des is dor Schockn Arti. Der kaa freilich kaane Männle backn, dem machts ner immor wette vor. Abor den kemmor gut gebraugn, der ka immor niebor nach Graslice gie un billig Mehl un Zuckor kaafm. Arti! Gie glei emol lues! Hier hatse hunnord Mark, kaaf dorva Zuckor ei un Mehl – ach ja, und bring glei noch e Stang Marlboro miet und e Flasch Bechorovka.

SA Abor es is doch scho dunkl. Un iech ho doch mei Bier noch gar net ausgetrunkn ...

F Des mach iech schon for diech, Arti [streichelt ihn].

SA Ach, Mensch Fitze, du bist ehm e Kollejsch. [geht]

TB Gut, trink mor aus, un machen mor glei lues mitn Zuckormännle backn. Seidor bereit? Hier, Maulschmied, haste dein Löffl [bindet ihn dem MS an die Hand]. Do braung mir itze ner noch en Rezeptvorsingor, und dann kennt morr lues machn. ABor von uns kaa ja kaanor orndlich singe ... [betretenes Schweigen]

[Lex kommt rein]

Lex Iech ho gehert, Ihr braucht noch en Rezeptvorsingor?!

TB Mensch, des trifft sich ja gut! Kast du des Lied „We will back you“?

Lex Nu klar! Also dann, auf gett's!

Lied: We will back you (Queen)

[und während das Lied ausklingt]

SP Und do sei se dann nu am Ende alle glicklich: dor Schockn Arti, weil dor Fitze sei Bier austrinkt, de Zuckormännle-Bäckor, weil se wiedor zam sei un backn enne, de Leit in Wer, weil se wiedor e wenig Tradition ham, de Vuchtländor, weil se alle ihre Zuckormännle kriegn kenne. Un ieborhaabt freit siech de ganze Welt. Dr Kofi Annan schraabt zegar en offene Brief un bedankt sich bein Vuchtland. Wie hattor geschriem: „Wenns is Vuchtland net gehm dett, wär des fei ganz schie Scheiße für de Welt.“

Natierlich hattor des net sue gesocht.

V11 – Part: Zuckormännle hie, Zuckormännle her - Lieder

‘S Wort zum Zuckormännl

- TB&D Fröhör war alles besser, fröhör war alles gut.
Da buken alle noch zusammen, und dr Backofen war noch voll Glut.
- V Fröhör hör auf mit früher, ich will des nimmor hern!
Mir brauchen itze Zuckormännle, denn ohne die tät mich Weihnachten stern.
- TB Ich bie dr Helmut Trützschor, und des is dr Diet, mei Gung.
Der will net mit mir backen, darum bewerf ich ne mit Dung.
- Chor Sulang dr Helmut Trützschor lebt, kumme Zuckormännle aus Wer,
sulang Heilig Uhmd gefeiert wird, missn Zuckormännle her.
Und wenn iech meine Kumpels find, wird es Mehl wiedor durchgesiebt.
Sulang de Erzgebirchlor lästorn, weiß ich daß es nischt bessores gibt.
- TB Iech bie dr Dietor Trützschor, und dr Helmut is mei Papp,
und ohne Zuckormännle macht der Alte vielleicht noch schlapp.
- Chor Ich werde durch die Vuchtland Hammit ziehn und die Bäckor aktiviern,
und dann dummor Zuckormännle backen, oder wenigstens probiern.
- TB&D De Zuckormännle-Bäckor aus Wer ham sich alle ausn Staub gemacht,
und allaane ha dr Trützschlorsch Beck es Backen nimmor auf de Reihe gebracht.
Die annorn missn wiedor her, denn sonst wird des dies goar nischt.
Und wenn iech richtich nei de Steckdos lang, dann krich iech aan vorwischt.
- TB Iech bie dr Helmut Trützschor, und iech fühl mich so alaa.
Iech such itze die annorn, ich mach miech auf de Baa.
- Chor Ich werde durch die Vuchtland Hammit ziehn und die Bäckor aktiviern,
und dann dummor Zuckormännle backen, oder wenigstens probiern.
Ich werde durch die Vuchtland Hammit ziehn und die Bäckor aktiviern,
und dann dummor Zuckormännle backen, oder wenigstens probiern.

We will back you

Buttor, Mehl und Eior
Federn vonnorn Geior,
Hirschhornsalz und Kardamom und Lebertran.
Eweng Mäusespeck
und Hundedreck
und als Spezialzutat noch e Baa vonnor Zeck.

(singin')

We will, we will back you!
We will, we will back you!

Des ganze eweng steilohn,
am besten iebor Nacht
und dorbei aufpassn, daß dor net de Katz neisaacht.
Dann Alete-Brei
und noch e Ei,
und damit die Sach aa sieß wird, kummt viel Zuckor miet nei.

(singin')

We will, we will back you!
We will, we will back you!

Dann wird erschtmol gefetet,
dann wird dor Teig geknetet,
dann stech mor mit de Fromen unre Männle aus.
Die wern aufs Blech geta,
trallallalla!
De Dana International war friehor e Ma.

(singin')

We will, we will back you!
We will, we will back you!

...